



Un os ataque a un caçaire ena zòna de Les

En aqueth moment se trapaue hènt ua batuda de sanglièr damb quate caçaires mès

SÍLVIA PUÉRTOLAS



Quate caçaires s'an vist susprenuts per un exemplar d'os brun introdusit en Pirenèu, mentre hègen ua batuda de sanglièrs enes montanhes de Les. Un d'eri a patit diuèrses herides en man, braç e cama, mès ja se trape dehòra de perillh. Es hèts passauen entàs 12.45 ores e ère eth madeish grop eth qu'alertaue as Pompièrs. Tath torn des 5 dera tarde er òme abandonau e er espitau.

Un des ossi, deishadi anar enes darrèrs ans pes montanhes dera Val d'Aran e de Comenge (França), a atacat a un caçaire quan hège, amassa damb d'auti tres, ua batuda de sanglièr. Era zòna a on a passat er atac se trape en municipi de Les e ei coneishuda coma Cabana de Portet. Eth hèt passau e entàs 12.45 ores deth meddia, e èren es madeishi caçaires es qu'alertaue as Pompièrs. Ara seguida se transportau ath herit enquiar espitau de Vielha, a on ère espitalizat damb esgarrapades e nhacades en braç, man e cama, maugrat qu'eth caçaire a estat conscient e estabilizat en tot moment. Segontes declaracions deth sòn hilh, que se trapaue ena batuda, er òme sagèc d'espantar ar animau en tot cridar-le, mès aquest en lòc d'escapar se li lancèc ath dessús e li provoquèc es herides. Aquest, que se trapaue armat, tirèc dus trèts, çò qu'espantèc ar animau. Tath torn des cinc dera tarde eth veisin de Les abandonau e er espitau damb punts de sutura enes herides.

Eth Sindic d'Aran demane era retirada de toti es exemplars d'os brun reïntrodusits

Dempús der atac d'os qu'a patit eth vesin de Les, eth Sindic d'Aran, Francés Boya, qu'ère en Barcelona, a regretar eth succès e desirè era sua recuperacion çò de mès lèu possible. En compareishença en ròda de premsa a exigít "era retirada immedata de toti es exemplars d'os que demoren ena Val d'Aran, pr'amor qu'eth Govèrn Aranés priorize era seguretad des persones enes montanhes peth dessús d'ua conviuença qu'aué s'a metut en entredit". Enes pròplèus dies se poirien méter en marcha, segontes Boya, mesures entara captura der e exemplar.

Publicat 23/10/2008 16:32h



COMENTARIS

Joan Carles Alvarez - 24/10/2008 - 18:54h

Com te el valor el Sr. Paco Boya, Sindic d'Aran de demanar la retirada dels ossos si fa 4 dies el seu Conseller de turisme el Sr. Juan Antonio Serrano, els defensava al. legant que éren una bona promoció i opció turística? El pitjor és que hagi hagut de passar això per que tant Boya com Serrano i la resta del Govern aranés actual, se n'adonessin de l'error i del perill de tindre ossos al Pirineu, sigui a la part que sigui.

Escriu el teu comentari